



Sermon  
Kxf. Dr. Numlaajtsheb Yaaj

**“Lub Siab Tshiab”**

Sixteenth Sunday after Pentecost  
St. Michael’s and Our Savior Lutheran Church  
9-27-2020

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Exekees 18:31-32** “Rid yourselves of all the offenses you have committed, and get a new heart and a new spirit. Why will you die, O house of Israel? For I take no pleasure in the death of anyone, declares the Sovereign LORD. Repent and live! – *Nej cia li tso plhuav tej kev phem kev qias uas nej niaj hnuv ua tseg, muab lub siab tshiab thiab txojkev xav tshiab los koj. Vim li cas nej cov Yixalayeess yuav xav tuag ua luaj?*” Tus tswv uas kav ib puas tsav yam haistias, “*Kuv tsis xav kom ibtug twg tuag li. Cia li tso nej tej kev txhaum tseg, nej thiaj muaj sia nyob.*” ‘Nov yog Vajtswv Txojlus. (Cross Reference – 2 Vajntxwv 17:13, Nkauj Qhuas Vajtswv 51:10, Yaxyas 1:16-17; 31:6; 55:7; 59:20, Yelemis 27:13, Exekees 11:19; 18; 23; 33:11; 36:26; 43:9, Yauj 37:23, 1 Timautes 2:4)

Illustration “Heart” (Show picture a heart)



Ntawm peb cov lus Hmoob feem ntau peb muab lub “heart – *lub plawv*” hu ua “lub siab.” Lolus tiag hu ua “lub plawv” tiamsis ntawm Vajtswv Txojlus muab sau ua lub siab ces ziagno kuv yuav tsis hais tias lub “heart – lub plawv” hu ua lub plawv tiamsis yuav muab lub “heart – lub plawv” hu ua **“lub siab”** kom peb totaub Vajtswv txojlus yoojyim. Tibneeg lub siab dhia 70 zaug per minutes equal 100, 800 beats per day (70X60=4200 4200X24=100,800). Yog thaum twg lub siab tsis dhia lawm, qhov no lolus Asmesliskas txhais haistias, “cardiac arrest – lub siab nres.” Thaum lub siab nres lawm, ces tus tibneeg tuag lawm. Yam uas ua rau lub siab nres feem ntau yog tibneeg “use


illegal drugs – *siv yeeb tshuaj tsis raug cai*” thiab lwmyam thiaj li ua rau lub siab muaj “electrical shock or drowning – *faiv tua losyog txhaw*” ces lub siab thiaj li ua tsis tau dejnum rau lub cev ces lub siab yuavtsum nres. (Show picture of car exhaust fumes)



Yog muab lub tsheb koj los pivtxwv txog haistias lub tsheb dhia 24 xuajmoos tuaj ib hnuv thiab dhia li 7 hnuv lub tsheb ntawd puas yuav kav ntev? Nws yeej yuav kav tsis ntev vim ob peb xuajmoos xwb lub sheb tej roj tag lawm ces lub tsheb yuavtsum tuag vim lub cav tsis muaj roj lawm. Tiamsis tibneeg lub siab yuavtsum dhia txhua lub sijhawm lub siab thiaj li xa tau tej “oxygen – *pas cua*” yog cov cua pab cawmsiav mus rau lub cev. Txhuayam nyob rau hauv lub cev thiaj li tsis nres. Txhuayam ntawm lub cev yeej tseemcee tiamsis lub siab yog lub tseemcee tshaj li lwmyam khoom nyob rau hauv tibneeg lub cev.

- I. Vajtswv Txojlus hnuvno ntawm Exekees qhia rau peb haistias, “Rid yourselves of all the offenses you have committed, and get a new heart and a new spirit. Why will you die, O house of Israel? – *Nej cia li tso plhuav tej kev phem kev qias uas nej niaj hnuv ua tseg, muab lub siab tshiab thiab txojkev xav tshiab los koj. Vim li cas nej cov Yixalayeess yuav xav tuag ua luaj?*” (Exekees 18.31) Exekees sau li no vim nws pom haistias haiv tibneeg Yixalayeess ua kev txhaum ntau heev li lawm. Vajtswv haiv tibneeg

yuavtsum hloov lawv lub neej uas yog tau lub siab tshiab thiab tig rov los rau ntawm Vajtswv txojkev cawmdim. (Show Ezekiel turning people to God)



Yog lawv tsis hloov ces Vajtswv yuav rau txim rau lawv. Txawm Exekees sau haistias, “What do you people mean by quoting this proverb about the land of Israel: The parents eat sour grapes, and the children’s teeth are set on edge?” – “Zaj pajlug uas tej tibneeg niaj hnuv hais hauv tebchaws Yixalayeas yog dabtsi? Niamtxiv noj txiv qaub, tiamsis menyuam cov hniav nyob ntawm ntug.” (Exekees 18:2) Qhov no txhais haistias lawv cov pojkoob yawgkoob twb noj tej txiv qaub lawm ua li cas cov menyuam tseem yuav sim noj ua dabtsi ntxiv thiab. Lub ntsiab lus yog haistias lawv niam lawv txiv ua txhaum lawm cov menyuam tseem yuav mus ua txhaum thiab. Tiamsis vim haiv tibneeg Yixalayeas tsis mloog Vajtswv


lus lawv lub tebchaws thiaj li raug puamtsuaj thiab haiv tibneeg thiaj li raug koj mus ua qhev rau tebchaws Npasnpisloos.

Vajtswv haiv tibneeg tsis mloog Vajtswv lus vim lawv tej siab koj nruj thiab tawv tsis mloog Vajtswv tej lus samhwm rau lawv txojkev ua neej. Peb tibneeg tiam tamsim no nes, peb puas koj lub siab nruj thiab tawv? (Show hardening the heart)



Peb Hmoob muaj lolus haistias, “Txiv ua li cas ces tub ua li ntawd. Niam koj li cas ces ntxhais koj li ntawd.” Peb twb hnov tej lus li no thiab ntau zaug peb twb pom kiag ntawd peb ob lub qhovmuag haistias yeej muaj li ntawd tshwm lawm tiag. Vajtswv Txojlus samhwm rau peb haistias, yog niam thiab txiv twb ua txhaum lawm, cov menyuam tsis txhob mus ua txhaum li niam thiab txiv ua. Tiamsis ua li cas peb yuav tsis hloov peb lub siab qub los ua lub siab tshiab es peb tseem mus ua kev txhaum thiab? Vajtswv Txojlus sau haistias, “.....The one who sins is the one who will die – Tus twg ua txhaum tus ntawd yog tus yuav tuag.” (Exekees 18:3)

Vajtswv hais txog txojkev tuag yog hais txog kev tuag dabtsi? Qhov no tsis yog tuag ntawm sab nqaijtawv tiamsis yog tuag ntawm sab ntsujplig uas raug ncai ntawm Vajtswv. (Show spiritual death)



Vim Vajtswv hlub thiab txhawj txog tibneeg txojhia ntawm sab ntsujplig kom tsis txhob poob mus rau ntujtawg teb. Vajtswv Txojlus thiaj li samhwm haistias, “For I take no pleasure in the death of anyone, declares the Sovereign LORD. Repent and live! – “Kuv tsis xav kom ibtug twg tuag li. Cia li tso nej tej kev txhaum tseg, nej thiaj muaj sia nyob.” (Exekees 18:32)

II. Vajtswv tsis xav kom ibtug twg tuag, Nws thiaj li hais kom koj thiab kuv muaj dua lub siab tshiab thiab ua lub neej tshiab los tau Vajtswv txojkev cawmdim. Thaum koj ua li no yog koj ua haum Vajtswv dejsiab. (Show humility)



Tus yuav ua haum Vajtswv dejsiab ces yog tus muaj lub siab tshiab. Tus ua lub neej tshiab yog tus ua li Paulus tsab ntawd sau rau haiv tibneeg Filipis sau haistias, “Do nothing out of selfish ambition or vain conceit. Rather, in humility value others above yourselves, not looking to your own interest but each of you to the interests of the others. In your relationships with one another, have the same mindset as Christ Jesus – Nej tsis txhob ua ib yam dabtsi kom zoo rau nej lossis kom tibneeg qhuas nej xwb; tiamsis

nej yuavtsum txo hwjchim thiab ibtug tsis txhob khav haistias ibtug zoo dua ibtug. Nej tsis txhob xav txog nej xwb, tiamsis nej yuavtsum xav txog lwmtus thiab. Ntawm nej txojkev sib raug zoo ib leeg rau ib leeg, yog muaj lub siab li Yexus Khetos.” (Filipis 2:3-5)

Vajtswv hais kom koj thiab kuv yuavtsum ua ib lub siab thiab coj txojkev tshiab. Qhov no peb yuav muaj ib lub siab tshiab ntawm peb tus kheej tsis tau tiamsis lub siab tshiab thiab txojkev tshiab no yog Vajtswv pub rau peb los ntawm Tswv Yexus Khetos. (Show undivided heart)




Exekees thiaj li sau haistias, “I will give them an undivided heart and put a new spirit in them; I will remove from them their heart of stone and give them a heart of flesh. Then they will follow my decrees and be careful to keep my laws. They will be my people, and I will be their God – Kuv yuav pub lub siab tshiab thiab txojkev xav tshiab rau lawv. Kuv yuav rho lawv lub siab uas tawv li pobzeb povtseg thiab muab lub siab uas mloog lus rau lawv. Ces lawv yuav ua raws li kuv tej kevai thiab muab siab npuab kuv tej lus samhwm. Lawv yuav yog kuv haivneeg thiab kuv yuav yog lawv tus Vajtswv.” (Exekees 11:19-20)

Cov kwvtij hlub thiab movtshua ntawm tswv Yexus Khetos, Vajtswv muab lub siab tshiab rau koj thiab kuv lawm koj yuav muab lub siab tshiab ntawd siv mus li cas? Tus tibneeg uas mob nws “lub siab” es nws hloov dua lub siab tshiab lawm nws yuav sojntsuam kom zoo heev duas li lub siab qub. Nws yuav tsis lam noj tej zaub mov losyog lwmyam khoom uas yuav ua rau nws lub siab tshiab muaj feem nres tau. (Show fasting)



Nov zoo sisthoj li thaum Vajtswv hu koj thiab kuv los ntseeg Vajtswv. Nov yog Vajtswv pub lub siab tshiab rau koj kom koj tau txojkev zamtxim thiab cawmdim ntawm txojkev txhaum, kev tuag, thiab dab lub hwjchim. Nov zoo ibyam li tus tau lub siab tshiab nws yuavtsum caiv yam uas yuav coj nws rov mus ua txojkev txhaum. Yog koj tsis ua lub neej tshiab es tseem ua lub neej qub ces koj yuav tuag rau txojkev txhaum thiab yuav raug cai ntawm Vajtswv mus ibtxhis thiab ibtxhis.

III. Cov tibneeg ua mob siab tos ntsoov saib thaum twg lawv mam li tau lub siab los hloov lawv lub qub. (Show replacing old heart)



Txojkev “heart replacement – hloov siab” yog yuavtsum tau muab lub qub tshem tawm mam li muab lub tshiab coj los dho rau lub qub lub qhov chaw. Kwv khomob siv 4-12 xuajmoos los mus hloov lub siab. Dhau ntawd tus hloov lub siab tshiab yuavtsum tau noj tshuaj mus tivthaiv nws lub cev kom tag nws tiamneej. Vim lub cev tau ib qhov khoom tshiab los nyob rau hauv lub cev lawm lub cev cov ntshav yuav xa ibcov khoom tivthaiv tuaj tua kom yeej qhov khoom tshiab ntawd. Lub cev xav haistias muaj ib cov khoom tsis zoo tuaj txeeb lawv qhovchaw lawm lawv yuavtsum tau mus tua kom yeej yam tshiab ntawd. Yog li


ntawd tus tibneeg uas tau muaj “heart replacement – hloov siab” yuavtsum tau noj ib cov tshuaj mus tivthaiv cov ntshav xa cov khoom tuaj tua ntawd kom txhob tua lub siab tshiab kom tuag lub cev thiaj li muaj sia. (Show heart that causes sins)



Cov kwvtij hlub thiab movtshua, koj yog tus ntseeg Vajtswv koj twb tsis tau yuavtsum mus raug “surgery – phais” thiab muaj “heart replacement – hloov siab” tshiab li tibneeg ntiatjeb.

Tibneeg lub tshiab tsua muaj kev khib, kev dagntxias, kev ua phem ua tsis zoo. Tiamsis Vajtswv twb pub lub siab tshiab uas yog txojkev cawmdim rau koj los ntawm Tswv Yexus Khetos lawm. Koj tsis tau tos ntau lub xyoo koj mam li tau lub siab tshiab los hloov koj lub siab qub uas coj koj mus ua kev txhaum. Tibneeg ntiajteb txojkev tos lub siab tshiab los hloov lub qub mas nyuaj kawg nkaus vim tsis muaj lub haum nws lub siab los hloov nyob rau hauv nws lub cev. Ntau tus tibneeg tos tos mus txog hnuv nws tuag los nws twb tsis tau lub siab tshiab.

Tiamsis thaum Vajtswv hu koj los ntseeg thiab cia siab rau Tswv Yexus Khetos ua koj tus Cawmseej ces yog koj tau lub siab tshiab. Koj tsis ua lub neej qub lawm vim koj yog tus tibneeg tshiab thiab ua lub neej tshiab rau ntawm Vajtswv. Yexus Khetos los tuag txhiv koj txojkev txhaum thiab muab lub siab tshiab rau koj. Cia li cia siab rau Vajtswv txojkev cawmdim. **(Show new heart in Christ)**



Vajtswv muab lub siab tshiab rau koj vim koj nyob hauv Vajtswv thiab Vajtswv nyob rau hauv koj. Tivthaiv koj lub siab tshiab kom zoo tsis txhob cia txojkev txhaum los kovyeej koj. Vim koj lub siab tshiab yog tau txojkia mus ibtxhis. Cia li ua tus tibneeg tshiab yog tus ua tus tibneeg cial tsis txhob ua tus tibneeg tuag rau txoj qub kev ntxiv lawm. Vajtswv Txojlus thiaj li sau haistias, “Rid yourselves of all the offenses you have committed, and get a new heart and a new spirit. Why will you die, O house of Israel? For I take no pleasure in the death of anyone, declares the Sovereign LORD. Repent and live! – *Nej cia li tso plhuav tej kev*

*phem kev qias uas nej niaj hnuv ua tseg, muab lub siab tshiab thiab txojkev xav tshiab los coj. Vim li cas nej cov Yixalayees yuav xav tuag ua luaj?” Tus tswv uas kav ib puas tsav yam haistias, “Kuv tsis xav kom ibtug twg tuag li. Cia li tso nej tej kev txhaum tseg, nej thiaj muajsia nyob.” Asmees.*

Thov kom Vajtswv txojlus pub rau peb sawvdaws totaub thiab tau nyob kajsia lug rau ntawm Tswv Yexus Khetos. Peb txhuatus uas yog Vajtswv cov menyuum peb sawvdaws hais: Asmees.